

Դ. Ի. Պետրոսյան

ԹՎԱԲԱՆՈՒԹՅՈՒՆԸ ՈՒՐԱՐՏՈՒՈՒՄ ԸՍՏ ՈՒՐԱՐՏԱԿԱՆ ՍԵՊԱԳԻՐ
ԱՐՁԱՆԱԳՐՈՒԹՅՈՒՆՆԵՐԻ՝

Ուրարտական պետությունը կազմվել էր փոքր Սախույի հյուսիս-արևելյան մասում և ընդգրկում էր այն տերիտորիան, որ յնկած է Երևա մեծ լճերի միջև—հարավ-արևմուտքում՝ Վանա լիճը, հարավ-արևելքում՝ Ուրմիո լիճը և հյուսիսում՝ Սևանա լիճը: Ուրարտացիները թեև մեր թվականությունից առաջ VI դարի սկզբներին քաղաքական ասպարեզից չքան, բայց նրանց ստեղծած հարուստ կուլտուրան անհետ չկորավ, այլ անցավ հայերին և վրացիներին, որպես ուրարտացիների անմիջական հաջորդներ: Հայ և վրաց ժողովուրդների կուլտուրաներում պահպանվել են ուրարտական կուլտուրայի զգալի հետքեր: Ուրարտական պետության քաղաքական կյանքի, կուլտուրայի, դիտություն, նրա թողած մատենդության խորը և բաղադրականի ուսումնասիրությունը հանդիսանում է մեր կարևոր հարցերից մեկը:

Ուրարտական հասարակության պատմության, կուլտուրայի, նրա թողած մատենդության աղբյուր են հանդիսանում հիմնականում թագավորական արձանագրությունները, նյութական կուլտուրայի մնացորդների հետ միասին, քանի դեռ մինչև այժմ չի հայտարարվել Ուրարտական պետության և ոչ մի արխիվի լիակատար գտնվածքը: Ղափանցյանը գրում է. «Ուրարտական պատմության հիմնական շրջանի համար, այսինքն՝ երբ չունենք ուրարտական արձանագրությունների և կուլտուրական հիշատակարանների վկայություններ, հնագույն աղբյուրները պետք է լինեն որոշ չափով ուրարտացիների լեզուն և կրոնը, իսկ հետո նաև ասորական գրավոր աղբյուրները: Սրանից հետո արդեն պարիս է այն շրջանը, երբ ուսումնասիրության աղբյուրները (IX դարից սկսած) թեև շատանում են և թեև հավաստի են, լինելով թեև ուրարտական և թեև ասորական, թեև գրավոր և թեև նյութական կուլտուրական: Ոչ ոք վերջին շրջանը (IX—VII դարեր) կարելի է կոչել իսկական պատմություն, նախորդ հնախապատմության հանդիպում»:

Եթե պատմության ուսումնասիրության ուղղությամբ այսօր մենք կարող ենք արձանագրել զգալի հաջողություններ և հրապարակել վրա մատ-

1 Ձեկնեցված է Վ. Մ. Մորոսովի ունեմեքեանի Պետական համալսարանի գիտական սեփականության 1943 թ. հոյեմբերի 26-ին:

2 Վ. Ղափանցյան—«Ուրարտական պատմություն», Երևանի Պետական համալսարանի գիտական աշխատություններ, հատ. XIV, 1940 թ., էջ 15:

նացույց անել հատկապես սովետական շրջանում գրված մի շարք կարևոր աշխատություններ, ինչպես, օրինակ՝ «Ղափանցյանի «Ուրարտուի պատմություն»-ը, Բ. Պիոտրովսկու «История и культура Урарту» և այլն, ապա հակասակ պատկեր գոյություն ունի ճշգրիտ գիտությունների բնագավառում, ինչպես, օրինակ՝ մաթեմատիկայի, տիեզերագիտության, տոմարի և այլն:

Վերջին հանգամանքը պայմանավորված է նրանով, որ կոնկրետ մասերիալի բացակայության պատճառով ճշգրիտ գիտությունների գծով ուսումնասիրությունները հանդիպում են շատ մեծ զժվարությունների: Բոլորովին էլ պատահական չէ, որ մաթեմատիկայի պատմության պրոֆեսոր Վիգորյանին 1941 թվականին յույս ընծայած «Арифметика и алгебра в древнем мире» աշխատության մեջ գրում է. «Ասորեստանցիների տիրապետության վերջին շրջանում նրանց թագավորությունն անց համաշխարհային պետության շափերի և դրա հետ միասին «բարեխաղան» կուլտուրան տարածվեց հսկայական տերիտորիայի վրա և պետք է թողնել կայուն հետքեր ամեն տեղ, ուր նա թափանցել էր: Իսկապես, սեպագիր գիրը, օրինակ, լայնորեն տարածվեց ամբողջ Առաջավոր Ասիայում: պարսիկների կողմից փոխառված՝ այն պետք է համար մինչև Հնդկաստանի տահմանները: Կարելի է ենթադրել, որ բարեխաղան մաթեմատիկական կուլտուրան ես ստացել է նույնքան լայն տարածում: Սակայն այդ մասին մենք այժմ զբեթենք մի տիպիկություն հունենք»¹

Եթե, մի կողմից՝ ուրարտացիների մաթեմատիկական գիտելիքների մասին դիտահետազոտական աշխատանքների բացակայությունը պրոֆեսոր Վիգորյանին իրավացի կերպով հիմք է տալիս հայտարարելու, որ մինչև այժմ մեզ հայտնի չէ, թե ինչ չափով բարեխաղան մաթեմատիկական կուլտուրան տարածվել է Առաջավոր Ասիայի պետություններում, հետևաբար նաև ուրարտական պետության մեջ, ապա մյուս կողմից՝ հայ և վրաց մասունագրության մեջ միանգամայն տարբեր կարծիքներ են հայտնվում Ուրարտուում գործադրված թվարկության սխտեմի մասին:

Ելնելով վերոհիշյալ հանգամանքներից՝ մեր այսօրվա զեկուցման նպատակն է, ուրարտական սեպագիր արձանագրություններում գործադրվող թվականների հիման վրա, պարզել ուրարտացիների թվարանական գիտելիքների աստիճանը, որոշել թվարկության սխտեմը և ուրարտացիների մաթեմատիկական գիտելիքների հետքերը հին Հայաստանում գործադրված թվարանության մեջ:

ՄԱԹԵՄԱՏԻԿԱՅԻ ԱԽԱՋԱՑՄԱՆ ԵՎ ԶԱՐԳԱՑՄԱՆ ՊԱՅՄԱՆԵՐԸ ՈՒՐԱՐՏՈՒՈՒՄ

Ֆրիդրիխ Էնգելսը իր «Անտի-Դյուերինգ» աշխատության մեջ խոսելով մաթեմատիկայի մասին, գրում է. «Մաքուր մաթեմատիկայի առարկան իրական աշխարհի տարածական ձևերն են և քանակային հարաբերությունները, այսինքն վերին աստիճանի իրական նյութ, Թեև այդ նյութը երե-

¹ М. М. Вигорский, Арифметика и алгебра в древнем мире. М.—Л., 1941, стр. 57.

վան է գալիս հափազանց վերացական ձևով, բայց դրանով կարող է սոսկ մակերևութորեն սքողվել այն հանգամանքը, որ նա իր սկզբնավորությունը արտաքին աշխարհից է վերցրել: Որպեսզի հնարավոր լինի այդ ձևերն ու հարաբերություններն իրենց հստակ վիճակում հեռագրուն, անհրաժեշտ է այդ ձևերն ու հարաբերությունները լիովին անջատել իրենց բովանդակությունից, անհրաժեշտ է մի կողմ նետել այդ բովանդակությունը, իրրև կարևորություն չներկայացնող: այսպես ահա ստացվում են կետեր առանց տարածություն, դժեք առանց հաստություն ու լայնություն, α և β , x և y , հաստատուն և փոփոխական մեծություններ, և միայն բոլորովին վերջը մարդ անցնում է իմացականության սեփական, ազատ ստեղծագործություններին և երևակայություններին, այսինքն՝ երևակայական մեծություններին:¹

Հնագույն մաթեմատիկական գիտություն՝ թվաբանության հիմնական առարկան հանդիսացել են թվերի բնական շարքը և պարզ կոտորակները: Բնական շարքի թվերը (ամբողջ-դրական) սեալ աշխարհի պարզ քանակային հարաբերություններն են: Թվաբանությունը (հունարեն ἀριθμητική, որ նշանակում է հաշվելու արվեստ—αριθμός—թիվ, τέχνη—արվեստ) մաթեմատիկայի մի մասն է, որ զբաղվում է թվերի ուսումնասիրությամբ, կատարելով որոշ թվաբանական գործողություններ նրանց նկատմամբ:

Թվերի հասկացողության զարգացումը, թվերը խոսքերով կամ գրավոր սիմվոլների միջոցով արտահայտելու, հաշվումներ կատարելու եղանակները, կանոնների մշակումն ու արտածումը տեղի են ունեցել տասնյակ հազարավոր դարերի ընթացքում, մաթեմատիկական հասկացողությունների արժատները սաղմնային վիճակում սկսում են հենց այն ժամանակ, երբ մեր երկրի վրա աշխատանքի դրական ազդեցության շնորհիվ, նախամարդ բնական զարգացման ճանապարհով անցնում է մարդու վիճակի—երբ առաջանում է մարդկային հասարակությունը: Հնագիտական տվյալներն ապացույցում են, որ Հայկական բարձրավանդակում շատ հնուց ապրել են մարդիկ, որոնց պատմությունն սկսվում է պալեոլիթի (հունարեն նշանակում է հին քարե դար) և նեոլիթի (նոր քարե դար) դարերից: Մարդկային հասարակության զարգացման հետ միաժամանակ զարգանում են նաև մարդկանց մաթեմատիկական գիտելիքները: Վայրենությունից անցնելով խոսել չգիտեին, այլ իրար հասկացնում էին ձեռքի շարժումներով, չնայած խոսել չգիտեին, այլ իրար հասկացնում էին ձեռքի շարժումներով, այս շրջանում անգամ հասկացողություն ունեին թվականների մասին: «Թվականները, —ասում է Մառը,—կապված են դարաշրջանների հասարակայնության հետ և մինչև հնչյունական խոսքը: Մարդիկ դեռ չէին խոսում հնչյունական խոսքով, բայց կարողանում էին հաշվել, որովհետև առանց հաշվի չէր կարող տեղի ունենալ ոչ մի արտադրություն, ոչ մի հասարակական գործառքի և գրականության բացակայության պայմաններում մարդկային հասարակության ձեռք բերած գիտելիքները պահվելով մարդկանց հիշողության մեջ, անցնում են սերնդից սերունդ: Թվականների

¹ Ֆ. Լյոբլյու—Անտի-Դյուբինզո, Երևան, 1936 թ., էջ 53:

² И. Я. Марр, О числительных. Языковедные проблемы по числительным. Сборник статей, Ленинград, 1927 г., стр. 3.

դիրը շատ մեծ է և այս ուղղությամբ, «թվականների» օրգանապես կապված են դրի և կարգալու գյուտի հետ: Թվերը մարդիկ ավելի շուտ սկսեցին գրել, քան թիվ բառերը: ¹ Թվականների վիճակից ելնելով, կարելի է դատել, թե քաղաքակրթության ու աստիճանի վրա են գտնվում մարդկության այս կամ այն խմբակցությունները: ² Մինչև այսօր էլ կան նախնադարյան ցեղեր, որոնք հագիվ կարողանում են հաշվել առաջին տասնյակի սահմաններում և ոչ մի պատկերացում չունեն մեծ թվերի մասին. նրանք մինչև անգամ զժվարանում են հաշվել իրենց ընտանիքի անդամներին: Մաթեմատիկական գիտության հիմունքները դրվում են այն ժամանակ, երբ նախադարձական շրջանում հայկական բարձրագույնագույն ապրող մարդկային ցեղերը համոզվում են, որ կարող են աշխատանքի պրոցեսում ձեռք են բերում թվի և չափի հասկացողությունը, սակայն, նորից անհրաժեշտ է լինում բավականին երկար ժամանակ, որպեսզի այդ բոլորն ընդունի գիտական տեսք: Ինչպես որ գանադան չափումներ կատարելու ժամանակ, իբրև միավորներ, մարդն օգտագործել է իր մարմինը և սրա առանձին մասերը, այնպես էլ հաշվումներ կատարելու համար օգտագործել է իր ձեռները և ստները: Սրանով է բացատրվում, որ գանադան միավորների թվարկության սխառմի հիմքում գլխավորապես ընկած են եղել 3, 10 և 20 թվերը: Եթե մարդու ձեռների մատները լինեին ոչ թե 10, այլ 12, այն ժամանակ թվարկության սխառմիների հիմքում ընկած կլինեին գլխավորապես 6, 12, 24 թվերը: Եթե թվարկության սխառմի լինեիր 12-ական, այն ժամանակ թվաբանությունը բավականին կշահեր, որովհետև 12-ն ունի շուտ բազմապատկիչներ՝ 2, 3, 4, 6, մինչդեռ 10-ն ունի 2 և 5: Տասներկուական սխառմի բավականին կհիշտացներ գործնական կյանքում հաշիվներ կատարելու գործը, որովհետև ավելի հաճախ գործ են ածվում $\frac{1}{2}$, $\frac{1}{3}$, $\frac{1}{4}$, $\frac{1}{5}$ մասերը: Տասներկուական սխառմի կոսմոսիկները լայն չափերով կիրառվեցին հումալիզմների մոտ, 12-ական սխառմի հետ են կապված մինչև հիմա էլ գործածվող հաշվումները դյուցիանիերով: Միանգամայն հատուկ տեղ է գրավում 60-ական սխառմի, որի վրա կանգ ենք առնելու հետագայում:

Ուրարտացիք մինչև իրենց պետության կազմավորումը նախադարձական շրջանում, անշուշտ, հասկացողություն ունեին ուղիղ պծի, որպես երկու կետերի միջև կարճ ճանապարհի մասին. նրանք հասկացողություն ունեին պարզ պատկերների, ինչպես, որինակ, եռանկյան, քառանկյան, շոբջանի մասին և այլն: Այս հասկացողությունները պատկերանում էին նրանց սովորական, առօրյա կյանքում: Պարզ պատկերների մասին պատկերացում ունենալը, սակայն, բավական չէր, որ նրանք կարողանային հասկանալ այդ պարզ պատկերների ամենապարզ հատկությունները. դրա համար անհրաժեշտ եղավ բավականին երկար ժամանակաշրջան, որպեսզի էմպիրիկ կերպով հրապարակ դա մաթեմատիկայի կարևոր ճյուղերից մեկը—երկրաչափությունը: Երա խոշոր նշանակություն ունի խմբավորման պրոցեսը, որի միջոցով հարավոր է դառնում փոքր թվերից անցնելու մեծ թվերի: Այս ուղղությամբ լեզվաբանական ուսումնասիրությունները, հատկապես

¹ H. M. Mapp, О числительных. Языковые проблемы по числительным. Сборник статей, Ленинград, 1927 г., стр. 2.

² Նույն տեղ, էջ 3:

Ն. Մառի կատարած ուսումնասիրությունները խոշոր ծառայություն են մատուցել մարդկանց՝ թվերի առաջացման հերթականության կարգը հասկանալու գործում: «Թվականները,—ասում է Մառը,—դոյություն ունեն, անկասկած, դեռ մինչև հնչյունական խոսքի առաջացումը: Հաշվումների սխտեմի միասնությունը ձեռքով կամ ձեռքերով, հանդիսանում է այն ժառանգություններից մեկը, որ հնչյունական լեզուն ստացել է զծայինից: Գծային խոսքի մեջ հաշվումը կատարվում է ձեռքի օգնությամբ, երկու հիմնական նշանակությամբ՝ ափ-ձեռք և հնչյակ-ձեռք: Ափ-ձեռքի միևնույն պատկերը ծառայում էր արտահայտելու և՛ մեկը, և՛ երկուսը, հնչյակ-ձեռքի միևնույն պատկերը ծառայում էր արտահայտելու համար և՛ հինգը, և՛ տասը:

Մնացած թվերն արտահայտում էին կամ գումարումով ($3=2+1$, $6=1+5$ կամ $5+1$ և այլն) կամ կրկնողությամբ ($4=2+2$), կամ հանումով ($9=10-1$, $8=10-2$ և այլն)...

«Հենց ինքը «տասը» թիվը, հետևաբար և «հինգը», մի մասնակ նշանակում էր նաև «չատու» իր հերթին, արտադրության զարգացման և մարդկային մտահորիզոնի լայնացման հետ, այդ «չատու», ակնհայտ է, որ իր ժամանակ անցել է «10»-ի, հետո աստիճանաբար՝ «100»-ի, «1000»-ի և «10000»-ի»¹

Մեր օրերում բոլոր ազգերը պործ են ածում նույն թվականները, ունենալով նույն մաթեմատիկական սիմվոլները—հնդիկների, արաբների թվանշանները: Մարդկությունը ոչ մի բնազավառում այնքան չի առաջադիմել զեպի ինտերնացիոնալիզմը, որքան թվականների բնազավառում: «Թվականների նմանությունները—ասում է Մառը,—սկզբից եեթ ժառանգված բարիք չէ, այլ աշխատանքի կազմակերպման վրա կատարված բազմաթիվ դարերի, բազմաթիվ հազարամյակների ծանր աշխատանքով, առջին հասարակական խմբերի համաձայնակցությամբ, հետագայում միջցեղային աշխատանքով ձեռք բերված նվաճում: Նմանությունները և օրինաչափական համապատասխանությունը արտասանության օրվանների հարակից (родственные) ֆիզիոլոգիական տվյալների բնատուր ձիրք չէ: Ընդհանրապես, ոչ-նմանություններ և տարամիտումներ—ահա մարդկային խոսքի սկզբնական վիճակի ժառանգությունը, ամբողջովին բնությունից, մարդու ֆիզիկական շրջապատից ու նրա ներքին ֆիզիկական կառուցվածքից, գեոֆիզիկական, օդերևութաբանական, աշխարհալրական, մարդաբանական և ֆիզիոլոգիական ֆակտորներից կախում ունենալու մնացորդներ են: Երանով պետք է բացատրել նաև այն հանգամանքը, որ մինչև այսօր էլ վրացիներն լեզվի մեջ պահպանվել և իրենց զգալ են տալիս հին ժամանակներում պործված քսանական սխտեմի մնացորդները, այնպես, ինչպես ֆրանսերեն լեզվի մեջ: Երացիներն ու 10—աթի, 20—օցի, 30—օց դա աթի—նշանակում է 20 և 10: 40—օրմօցի—նշանակում է երկու քսան 60—սամօցի—նշանակում է երեք քսան և այլն:

Ֆրանսերենում 80—quatre vingts—նշանակում է չորս քսան, 90—quatre vingts-dix—նշանակում է չորս քսան և տասը:

¹ И. Я. Март, О числительных. Языковедные проблемы по числительным. Сборник статей, Ленинград, 1927 г., стр. 45—46.

² Նույն տեղ, էջ 5:

Ուրարտական պետության գոյության ժամանակաշրջանում, IX—VII դարերում (մ. թ. ա.), անհրաժեշտ նախադրյալներ են ստեղծվում դրական կիրառական գիտությունների զարգացման համար: Մյուս գործոնների հետ միասին մեծ նշանակություն են ունենում ուրարտացիների շինարարական աշխատանքները և առևտուրը:

Ուրարտացիների շինարարական աշխատանքների մասին 'Բ. Ղափանցյանը գրում է. «Ջրաշինարարության փայլուն վկայն մինչև հիմա էլ մնում է Մենուայի ջրանցքը („Menuai pili“), որ ժողովուրդը կոչում է «Շամիրամ-սու» և ունի 70 կիլոմետր երկարություն: Դրա պատերը բարձրացնելու համար գործ են դրված հսկայական քանակով կիկլոպյան մեծ-մեծ քարեր: Ասուրական արձանագրություններն ասում են, որ Ռուսա II թագավորը Ուլիու քաղաքի համար (թերևս գտնվել է Ուրմիո լճի հյուսիս-արևմտյան մասում) բերել է մի ջրանցք՝ «նմանը Պուրատուու (= Եփրատ) գետի», որից ճյուղավորվել են բազմաթիվ առուներ դաշտերի ու այգիների համար: Ջրանցք է բերվել և Չանդուից, Վաղարշապատի շրջանի (Չվարթնոցի) համար, իսկ ոմանց կարծիքով Երևանի Դավալի գետնափոր ջրանցքը նույն ուրարտացիներից է մնացել: Ջրանցքների մասին հիշատակվում է և Արմավիրի մոտ գտնված արձանագրություններում, որոնցից պիտի հզրակացնել, որ այդ ջրանցքները բերվել են Արաքսից Արմավիրի և նրա շրջակայքի համար, որը ուրարտացիների կենտրոնն էր Արարատյան դաշտում»:

Մովսես Խորենացին, որն անձամբ տեսել է սեպագիր արձանագրությունները, որոշ շինարարական աշխատանքներ վերագրելով Շամիրամին, Ուրարտուում կատարված շինարարական աշխատանքների մասին գրում է. «Եվ հրամայում է նախ գետի ամբարտակը շինել ապարով խոշոր քարերով, կրի և ավաղի շաղախով, շատ լայն և բարձր, որ մինչ այժմ, ինչպես ասում են, հաստատ մնում է... Այսպես երկար ասպարեզներով ամբարտակն անցկացնելով հասցնում է քաղաքի համար որոշված տեղը... Երազաքի մեջ շինում է նաև բազմաթիվ ընտիր ապարանքներ, կրկնահարկ և հոահարկ, զարդարված տեսակ-տեսակ գունզգույն քարերով, և ամեն մեկում պատուհաններ ըստ հարմարության: Դաղաքի կողմերն էլ որոշում է գեղեցկագույն և ընդարձակ փողոցներով: Շինում է նաև շքեղ և զարմանալու արժանի բազմաթիվ, համապատասխան քաղաքի դիրքին ու պիտույքներին»:

Իսկ քաղաքացիական շինարարություններից՝ ուրարտացիները զարկ են տալիս նաև ռազմական ու կրոնական շենքերի կառուցմանը:

Աշխատանքի հասարակական բաժանումը, որ զգալի չափեր ընդունեց ուրարտական պետության գոյության ժամանակաշրջանում, պայմանավորեց արհեստների զարգացումը. մետաղագործությունը, պղնձի և բրոնզի արտադրությունը, երկաթագործությունը, օսկեգործությունը, արձաթագործությունը, գինեգործությունը (առանց որի հնարավոր չէր ռազմատենչ ուրարտական պետության գոյությունը), կավագործությունը հասան մեծ չափերի: Որա հետևանքով զարգացավ առևտուրը թև պետության ռազմա-

1 Գ. Ղափանցյան—«Ուրարտուի պատմություն», Երևանի Պետական տպարանի «Ցիտակ» աշխատություններ, հատ. XIV, 1940 թ., էջ 235:

2 Մ. Պարենացի—«Հայոց պատմություն», գիրք I-ին, պար. 18, էջ 33, Երևան, 1940 թ.:

ներում և թե այլ սահմանակից պետությունների հետ: Այս խնդրի կապակցությամբ Խ. Սամուելյանը գրում է. «Այդ արհեստների բարձր զարգացումը և բազմապիստությունը մի լոկոսում փաստ է, որի վրա հիմնվելով կարելի է կռահել, որ խաղական հասարակության մեջ պետք է դարձանային նաև առևտրական հարաբերությունները: Թեև այդ մասին պատմական աղբյուրները պեղեն ոչ ոչ, չեն հաղորդում: Հայկական լեռնաշխարհն ընկած էր այն ժամանակվա տրանզիտային առևտրի գլխավոր ճանապարհի վրա՝ Պարսից ծոցից, Միջագետքի վրայով, դեպի Միջերկրական ծովը: Փոքր Ասիա և Մեծ ծովը: Ասորեստանը իր վաճառաչահ Նինուսի մայրաքաղաքով միջնորդ առևտրական դեր էր խաղում: Ասորեստանի անհանդիստ նվաճողական էքսպանսիան ու աշխարհակալական քաղաքականությունը բխում էին մասամբ հենց այդ առևտրական շահերից, որոնք թելադրում էին իր ձեռքի, իր անմիջական իշխանության տակ ունենալ դեպի Սիրիա, Փյունիկիա, Միջերկրական ծովի այն ժամանակվա շահաստանները, դեպի Փոքր Ասիայի ծովեզերք և այլուր տանող ճանապարհները, որոնցով երթեկում էին առևտրական կարավաններ տակավին Ասորեստանի նախորդ՝ Բարեթի տիրապետության ժամանակ: Մեզ չեն հասել խաղական դրամներ: Ուստի պետք է ենթադրել, որ եթե գոյություն են ունեցել մեր նշած առևտրական հարաբերությունները, ապա այդ եզել է կամ պարզ փոխանակային առևտուր, կամ դրամի փոխարեն դորժածովել են ոսկու և արծաթի ձուլեր և կամ պորժածովել են ասորեստանյան դրամները:»

Կաղաքացիական, ոռոգման, կրոնական շինքերի, բերդերի, ջրանցքների կառուցումները, առևտրի պարզացումը, չափ ու կշիռների գործադրությունը, շրջապատի ուսումնասիրությունը զարկ տվին ուրարտացիների գիտելիքներին ճշգրիտ պիտությունների պծով: Այդ շրջանում հատկապես թվաբանությունը, նախաուրարտական շրջանի համեմատությամբ, հասավ զարգացման բարձր աստիճանի:

ԱՂԲՅՈՒՐՆԵՐ ԵՎ ԹՎԱՐԿՈՒԹՅԱՆ ՍԻՍՏԵՄԸ

Ինչպես արդեն մատնանշել ենք, մեր աղբյուրները Ուրարտուի պատմության, ուրեմն և թվաբանության վերաբերյալ հանդիսանում են ուրարտական արձանագրությունները: Թե ուրարտացիք ինչպես էին գրում թվերը, ինչպիսի թվարկության սխեմով գոյություն ունեն, ինչպես էին կառարում թվտրանական գործողությունները, այս ամենը պետք է աշխատենք դուրս բերել ուրարտական արձանագրություններում գործածված թվականներից:

Ներկայումս հայտնի ուրարտական սեպագիր արձանագրությունների թիվը հասնում է մոտավորապես 200-ի: Դժբախտաբար այդ արձանագրությունների լրիվ ժողովածուն մինչև այսօր էլ հայերեն լեզվով չի հրատարակված, որ պետք է դիտել իբրև խոշոր բաց և առաջիկայում վերացնել այն: Այդ արձանագրություններից մենք հապապես վերցրինք Սարգուր Երկրորդի թողած այն արձանագրությունները, որ ակադ. Հ. Որբելին 1915 թվականին հայտարարեց Վանում: Այդ նյութերը հրատարակված են

1 Խ. Սամուելյան — «Խաղական հասարակություն», Երևան, 1989 թ., էջ 14:

1922 թվին Պետերբուրգում առանձին, «Археологическая экспедиция 1916 г. в Ван» աշխատության մեջ, ուր գտնվում են Ն. Մանի և Հ. Օրբելու զեկուցումները, Աշխատության վերջում կցված են սեպագիր արձանագրությունների տեքստերը և լուսանկարները: Մենք վերցրինք Սարգուր կրկրորդի թողած արձանագրությունների խումբը, որովհետև այդ արձանագրությունները շատ հարուստ են թվականներով, իսկ մյուս կողմից՝ ուրիշ արձանագրություններում պործածված թվականներն էական ունեն չեն ձեռնում այն եզրակացությունների մեջ, որոնք դուրս են բերվում այդ արձանագրություններից:

Սարգուր թագավորը պատմում է (Ա. աղյուսակ), թե ինչպես նախ աստվածը նրան պարգեցեց հաղթանակ, երեք ուղղությամբ կատարված պատերազմների ժամանակ վերցված գերիները և ավարը տալիս են հետևյալ պատկերը.

1-ին արշավանք ղեկավարեցին (Բարեյուն և այլն): Քչեց 23 քաղաքների բնակիչներին, գերի վերցրեց 8 135 երեխա, 25 000 կին և 6 000 աղամարդ: Բաց 2 560 ձի, 12 300 եղև և 32 100 ոչխար:

2-րդ արշավանք ղեկավարեցին (Էտիունի): գերի վերցրեց 3 500 երեխա, 10 500 կին և 4 000 աղամարդ: Քչեց 8 525 եղև և 18 000 ոչխար:

3-րդ արշավանք ղեկավարեցին (Ուրմիա և այլն): գերի վերցրեց 1 100 երեխա, 6 500 կին և 2 000 աղամարդ: Քչեց 2 538 եղև և 8 000 ոչխար: Ներքևում բերվում են վերոհիշյալ արձանագրության մեջ գրծածված թվականները սեպագիր թվանշաններով:¹

I արշավանք

23—<<III A₈(A₈ նշանակում է A թերթի 8-րդ տողը)
8 135—III IV V << III A₉
25 000—<< IV V V <V A₁₀
6 000—III IV <V A₁₀
2 500—IV V V V A₁₀
12 300—< IV V <V V V V A₁₁
32 100—<<< IV V <V V V V A₁₁

II արշավանք

3 500—III IV V V A₂₀
10 500 (կամ 15.000) < IV V V [V] A₂₀
4 000—IV <V A₂₀
8 525—III IV V V << III A₂₁
18 000—< IV V V V <V A₂₁

¹ Археологическая экспедиция, 1916 г. в Ван. Петербург, 1922, таблица А.

III արշավունիք

1 100—Y <Y- Y- A₂₃
 6 500—Y^Y <Y- Y^Y Y- A₂₄
 2 000—Y^Y <Y- A₂₄
 2 538—Y^Y <Y- Y^Y Y- <<< Y^Y A₂₃
 8 000—Y^Y <Y- A₂₅

Նկատի ունենալով, որ վերը բերված օրինակներում չկան այնպիսի թվեր, որ ցույց տային, թե ինչպես էին գրվում 60—90 թվերը, B և C սեպագիր աղյուսակներից վերցնենք հետևյալ օրինակները.

6 665 Y^Y <Y- Y^Y Y- <<< Y^Y B₂₆
 31 890 <<< Y <Y- Y^Y Y- Y<<< C₂₂

Վերը բերված նշանակումներից պարզ երևում է, թե ուրարտացիք ինչպես էին նշանակում թվերը: 1-ի և 10-ի նշանների կոմբինացիաներից կազմվում են բոլոր թվերը մինչև 60, 60 թիվը գրվում է 10-ի նշանի միջոցով, կամ 1-ի նշանի միջոցով, 60-ից մինչև 100 գրվում է վաթսուհա-կան սկզբունքով, իսկ 100-ի համար գոյություն ունի առանձին նշան—գետերմինատիվ, որ նշանակվում է այսպես՝ և մեկ հարյուր գրելու հա-մար, այդ նշանի առաջ, որոշ հեռավորություն վրա պետք է գրել մեկ, միասին վերցրած կնշանակե մեկ հարյուրյակ, 100=Y Y: Այսպես շարու-նակվում է մինչև 1 000, հազարն ունի առանձին նշան—գետերմինատիվ, որ գրվում է այսպես՝ <Y: Համանական է, որ սկզբնական շրջանում փոքր թվեր գործածելու ժամանակ 10-ի նշանը գրվել է առանձին, հետագայում, երբ անհրաժեշտ է եղել գործածության մեջ դնել շատ մեծ թվեր, 10-ի նշանը միացվել է 100-ի գետերմինատիվին և ստացվել է 1 000-ի գետեր-մինատիվը: Երեք հազար գրելու համար 1 000-ի գետերմինատիվի առաջ, որոշ հեռավորությամբ վրա, պետք է գրել 3, ինչպես, օրինակ՝ Y^Y <Y- — նշանակում է երեք հազարյակ: Նույն կզանակով շարունակվում է մինչև 10 000, որ գրվում է այսպես՝ < Y: Տասը հազարի համար ուրարտացիներն ունեցել են հատուկ բառ՝ alibi: 25 000-ը ուրարտացիները գրում էին այս-պես՝ << <Y- Y^Y <Y- այսինքն՝ 20 000 և 5 000, 47 000-ը գրում էին այս-պես՝ <<<< <Y- Y^Y <Y- այսինքն՝ 40 000 և 7 000, Որովհետև 10 000-ի համար գոյություն ունի հատուկ բառ, ապա ուրարտացիք 25 000-ը կարող էին գրել 2 alibi Y^Y <Y- 47 000-ը կարող էին գրել 4 alibi Y^Y <Y-:

Այսպիսով ստացվում է թվարկության զարմանալի մի սխեմա: 1-ից մինչև 60-ը բոլոր թվերի համար գործ են ածվում 1-ի և 10-ի նշանները: 60-ից մինչև 100-ը գործ է ածվում վաթսուհական սխեման, որի հիմքում ընկած է 60 թիվը, մեծ թվերի համար նորից գործ է ածվում տասնոր-դական սխեմա, որտեղ 100-ը և 1 000-ը ունեն հատուկ նշաններ: Այս-պիսով, մենք տեսնում ենք, որ այս թվարկության մեջ տասնորդական սկզբունքը զգալի չափով դերակշռում է, բայց միևնույն ժամա-

նակ վաթսուենական սխտեմը բուրրովին դուրս չի մղված: Ինչպես հայտնի է, հետևողական կերպով պործադրվող բարեյական թվաբանություն¹ թվար-

¹ Բարեյական թվաբանությունն առաջացել է Միջագետքում—Եփրատ և Տիգրիս գետերի հովտում: Բարեյական է կոչվում ոչ միայն տերիտորիայ տեսակետից, այլև նրա համար, որ այդ թվաբանությունը կառուցված է առանձնահատուկ թվարկության ՈՒ-ական սխտեմով և դրանից բխող հեռանքներով: Արևելքի պատմությունը կենդրեափաստերի ուսումնասիրության հիման վրա ցույց է տալիս, որ Միջագետքում առանյակ դարերի ընթացքում բազմազան ժողովուրդներ և ազգություններ փոխարինելով մեկը մյուսին, ստեղծել են սեպագիր գիր ու գրականություն: Սեպագիր գիրն ստեղծել են սումերացիները: Մեր թվականությունից 20-րդար առաջ Միջագետքում հրապարակ է գալիս ակկադական ժողովուրդը, որն իրեն ենթարկելով և ձուլելով իր մեջ սումերական ժողովրդին, յուրացնում է նրա ստեղծած կուլտուրան ու գիտությունը և զարգացնում, հառ-ցրնում է էլ ավելի բարձր աստիճանի: Ակկադացիներից հետո հերթական կարգով տիրապետող գիրը են գրավում կասիտները և ասորացիք: Ասորեստանի տիրապետության վերջին շրջանում նրա թողարկության սահմաններն ընդարձակվում են, բարեյական կուլտուրան արածվում է շատ երկրներում: Սեպագիր գիրը լայն չափերով արածվում է ամբողջ Առաջավոր Ասիայում:

Բարեյա-ասորական 250-մասնատկական սեպագիր տեքստերի ուսումնասիրությունից պարզվում է. որ բարեյացիք ամբողջ այն շրջանում, որից մեղ հասել են այդ տեքստերը, սկսած 1800 թ. մեր թվականությունից առաջ (մի քանիսը կազմված է պարսկական, մի քանիսը հելլենական շրջանում), ամբողջ թվերը գրելու համար գործ են ունեցել երկու նշանի հետ, որոնց կոմբինացիաներից կազմվել են բոլոր թվերի նշանները: Այդ նշաններից առաջինը, առանձին վերացրած, նշանակում է 1 և գրվում է այսպես՝ $\text{Y} = 1$ -ից: Երկրորդը, առանձին վերցրած՝ նշանակում է 10 և գրվում է $\text{Y} = 10$:

Միավորի և տասնավորի նշանները համապատասխան քանակով կրկնվելով՝ գրվել են բոլոր թվերը մինչև 50 ներառյալ: Այսպես, սրինակ. $\text{Y} = 2$, $\text{Y} < 20$, $\text{Y} < < \text{Y} = 33$ երբ մեկի և տասի նշանները կրկնվում են չորս և ավելի անգամ, այն ժամանակ հիմնականում պահպանելով նշանների ձևը. թվերը գրվում են ավելի խիտ և մասամբ կրճատ ձևով: 60-ը գրվում է այնպես, ինչպես մեկ միավորը՝ $\text{Y} = 60$. սկզբնական շրջանում տարբերություն եղել է մեծության տեսակետից, հետագայում այդ տարբերությունը բուրրովին ջնջվել է: 60-ից բարձր թվերը գրվում էին հետևյալ կերպ՝

$$\text{Y} \text{ Y} = 62, \quad \text{Y} \text{ Y} \text{ Y} = 63, \quad \text{Y} < = 70, \quad \text{Y} < < < = 90:$$

Ինչպես երևում է, 60-ից բարձր մինչև 110-ը 60-ի նշանը գրվում է որոշ հեռավորության վրա: Այս հանգամանքը որևէ շփոթություն չի առաջացնում թվերը կարգավոր տեսակետից: Բավական է վերցնել 120, որ գրվել է այնպես, ինչպես 2-ը, կամ 180, որ գրվել է այնպես, ինչպես 3-ը և այլն մինչև 50. $60 = 3540$, Այսպիսի դեպքերում թիվը կկարգացվի հիշած, դուցե տեքստի սղնուսյամբ: Մնացած ամբողջ թվերը, որոնք գտնվում են 60-ի և $60 \cdot 60 = 3600$ -ի միջև, գրվում են նույն եղանակով, ինչպես գրեցինք վերևում՝ $60 - 119$, Բերենք մի քանի օրինակներ.

$$\text{Y} \text{ Y} \text{ Y} = 2 \cdot 60 + 3 = 123$$

$$\text{Y} \text{ Y} \text{ Y} \text{ Y} = 5 \cdot 60 + 6 = 306$$

$$< < \text{Y} < < \text{Y} = 2 \cdot 60 + 32 = 1352$$

Այսպիսով, մենք տեսնում ենք թվարկության յուրահատուկ մի սխտեմ, որի հիմքում զուգակցված կերպով հանդես են գալիս վաթսուենական և տասնորդական սկզբունքները: Ի տարբերություն տասնորդական կարգի, վաթսուենական կարգը կառուցվում է սլոգիցին սկզբունքով: Ուսկայն այս պոզիցիոն սխտեմը բացարձակ չէ, որովհետև չունի մեր գերոյի համարժեքը: Այսպիսով, մենք կարող ենք ասել, որ թվարկության բարելավան սխտեմը—դա վաթսուենական սխտեմ է: Մեր ներկա նշանակումներով յուրաքանչյուր թիվը կարելի է պատկերացնել այսպես՝

$$A = a_1 + a_2 60 + a_3 60^2 + \dots + a_n 60^{n-1},$$

կույթյան վաթսուհակա՛ն սխտեմում, մինչե՛ 60-ը թվերը դրվում են սովորա-
կան աասնորդական սկզբունքով: Եթե արտօինը մենք սնվանում ենք վաթ-
սուհակա՛ն սխտեմ,—ընական է, այս ղեպքում թվարկույթյան սխտեմն
անվանել տասնորդական, իհարկե, միշտ չմոռանալով վաթսուհակա՛ն սխ-
տեմի մնացորդը:

սրանց 21, 22, 23, ... 29 ամբողջ թվեր են, բայց 60-ից փոքր և գրանցից մի քանիսը կարող են
հավասար լինել գերոյի. ենթադրում ենք, որ 20 = 0, 21, 22, 23- կոչվում են առաջին, երկրորդ,
երրորդ... կարգի թվանշաններ, եթե 21=0 22=0 23=0 24=6; $\Lambda=20.602+0.60^2=1.389.600$,
որը կդրվի այսպես՝ $\overline{111} \overline{111}$ Սա միաժամանակ կարող ենք պատկերացնել $20.60+0.60^2=$
 23.160 կամ $20+0.60=386$ և բոլոր թվերը ($30+0.60$) 60-ն (և ամբողջ թիվ է): 1389600
թիվը վաթսուհակա՛ն սխտեմում բնական է կոչել երկանիշ թիվ, փոխանակ բոսա-
նիշ: Ըստ բաբելական նշանակույթների, եթե որե՛կ կարգը բացակայում է, ապա դա ոչնչով
չի կարելի իմանալ. օրինակ՝ $2+12.60^2=63202$ կդրվի այսպես՝ $\overline{11} \overline{11}$, որը կնշանակե նաե՛
 $2+12.60=722$ և ընդհանրապես բոլոր թվերը, որ ունեն 722.60^2 տեսքը: Վաթսուհակա՛ն սխ-
տեմում թվերը գրելու ժամանակ մեկ կարգի հետաժողովությունը մյուսից չի տարբերվում
սովորաբար գործածվող հետաժողովությունից: Այսպիսով՝ թվերը նիշ կարգալու խնդիրը բա-
վականին դժվարանում է. գրված թիվը կարող է հասկացվել երկանիշ կամ եռանիշ և, որ
ամենագլխավորն է, թվերը ծածկված կերպով պարունակում են իրենց մեջ 60 անորոշ
գործակիցը: Այս բացը հետագայում վերացվում է նրանով, որ մտցվում է անջատման
նշանը՝ V , որը կառարում է մեր գերոյի գերը: Վերևում գրված $2+12.60^2=63.202$ թիվը
նոր մտցված նշանի օգնությամբ պետք է գրվի այսպես՝ $\overline{11} \overline{11} \text{V}$ այսինքն գրվում է ար-
պես եռանիշ թիվ: Վաթսուհակա՛ն սխտեմով գրվել են ոչ միայն ամբողջ թվերը, այլև
կոտորակները, նիշտ այնպես, ինչպես մենք տասնորդական սխտեմով գրում ենք տասնոր-
դական կոտորակներ: Այստեղ նույնպես, ինչպես ամբողջ թվերի դեպքում, գրված կոտո-
րակ թիվը հասկացվում է բազմաբժեք կերպով. օրինակ՝ 32V մենք գրում ենք այսպես՝
 $3,2$, այդ նույնը բաբելացի հաշվողը պատկերացնում էր $32/60$ և գրում էր այսպես՝
 $\overline{11} \overline{11} \overline{11}$, այսինքն այնպես, ինչպես $3.60+24$: Այստեղ պարզ կերպով երևում է բազ-
մաբժեքությունը: Այդ նույն թվի տակ կարելի է հասկանալ նաև $17/300=3/60+2/60$
կամ $17/3000=2/60^2+2/60^3$:

Մեր օրերում մեղմից յուրաքանչյուրը, երբ նայում է իր ժամացույցին, կամ երբ
հաղաչափներս և աստղաբաշխները գործադրում են այնպիսի գործիքներ, որտեղ շրջանա-
գիծը բաժանված է 360 մասի, միշտ որոշ չափով տուրք է տրվում հնագույն բաբելական
ժողովրդի ստեղծած կուլտուրային:

Վաթսուհակա՛ն պոդիցիոն սխտեմի առաջացման խնդրով զետեղվածներն գրադվում
են շատ վաղուց: Այս խնդիրը, որ ունի ավելի քան 1500 տարվա պատմություն, մինչև
այսօր էլ սպառիչ և բավարար լուծում չի ստացել ոչ ոքի կողմից: Թեև Ալեքսանդրացին,
որ ապրել է մեր թվահաշիվյան IV դարի վերջերին ու V դարի սկզբներին և հանդիսա-
նում է ականավոր աստղաբաշխի Պտղոմեոսի մեկնաբանողը, ենթադրեց, որ բոլորիցիք իրենց
թվարկության հիմքում դրել են 60 թիվը, որովհետև փոքր թվերի սահմաններում 60-ը
համեմատաբար շատ բազմապատկիչներ ունի: Այս նույն տեսակետը բաժանում է նաև
XVII դարի հոլանդացի մաթեմատիկոս Վանխուս:

Որոշ գիտնականներ, որոնց թվում և կանաքբ, վաթսուհակա՛ն սխտեմի առաջա-
ցումը բացատրում են բաբելացիների աստղաբաշխական դիտումներով: Կանաքբի կարծիքով՝
վաթսուհակա՛ն սխտեմի հիմքում ընկած է այն, որ շրջանագիծը, մի կողմից՝ բաժանվում է
6 մասի, իսկ մյուս կողմից՝ 360 մասի, որ համընկնում է տարվա կլորացրած 360 օրվա
հետ: Այսպիսով, շրջանագծի յուրաքանչյուր 6-րդ մասը բաժանվում է 60 մասի, Առաջին
տեսակետը, ըստ որի գրվում է բազմապատկիչների կամ բաժանարարների խնդիրը, հիմ-
նավոր չէ, որովհետև այս դեպքում ենթադրվում է դարգացած տեսական թվաբանության
տեղադրությունը: Բաբելոնում, որ իրականություն չի համապատասխանում, ծրկրորդ տեսա-
կետը, ըստ որի տարվա օրերը կլորացվում են, հնարավոր է այն ժամանակ միայն, եթե
հրապարակի վրա կա թվարկության մի սխտեմ, իսկ եթե թվարկության այդ սխտեմը

Նկատի ունենալով, որ 1, 10, 100 և 1000 թվերն ունեն իրենց հատուկ նշանները, գերոյի պակասութիւնը բացասական ազդեցութիւն չի ունեցել:

Այս սխառութեամբ, ի տարբերութիւն բաբելական վաթսուական պոպի-ցիոն սխառութի, բացառված է զրված թվերը բազմաթիւ կերպով հակա-նալու հնարավորութիւնը:

Պրոֆ. Վիգորսկին իր „Арифметика и алгебра в древнем мире“ աշխատութիւն մեջ խոսելով վաթսուական սխառութի առաջացման մասին

վաթսուական սխառութեամբ, ապա Կանտորի բացատրութիւնը վերանում է, իսկ եթէ առ-նորդական սխառութեամբ, ապա դարձում 60 թիվը մոցնելը թիւում է չհիմնավորված:

Կեզիշը դեմ է դուրս գալիս Կանտորի տեսակետին և առաջարկում է հետեւյալ տեսա-կետը: Վաթսուական սխառութեամբ առաջ է եկել, որպէս հետեւեալ, այն երկու սխառութեան խառնուրդից, որ ունեցել են սուամերացիները և ակկադացիները: Մեկը առանորդական, իսկ մյուսը՝ վեցական: Կանտորը հրաժարվում է իր նախկին տեսակետից և ընդունում Կեզիշի տեսակետը: Չնայած նրան, որ Կեզիշի տեսակետը լուրջ փաստարկում չունի, մինչև ան-դամ չի կարողանում մատնանշել, թէ որ ժողովուրդն ինչ սխառութեան ունի, այնուամենայնիւ այդ տեսակետը նախորդ տեսութիւնների համեմատութեամբ մի քայլ առաջ է գնում, ուրովհետեւ դնում է իրաւունքները սկզբունքներ: Առաջին տեսակետը, որ առաջարկվեց 1927 թ. և որին պրոֆ. Վիգորսկին առաջելութիւն է տալիս մյուս տեսակետների նկատմամբ, պատկանում է (I). Նոյգեթաութերին: Նոյգեթաութերը թվարկութիւն վաթսուական սխառութի առաջացումը կապում է չափերի մեջ գոյութիւն ունեցած վաթսուական սխառութի հետ: Նա ցույց է տալիս, որ բաբելական մետրոլոգիայի մեջ մեծ և փոքր չափի հարաբերու-թիւնն արտահայտվում է 60 թվով: Օրինակ, կշռային չափերում տաղանթը հավասար է 60 մինայի: Մեկ մինան—60 չեկելի: Պէտք է նկատել, ասում է Նոյգեթաութերը, որ այն ժամանակ այդ չափերը կատարել են նաև փոքրիկ չափերի դեր: Վաթսուա-կան սխառութի հիմքում դրվել է կշռային և դրամային չափերում որպէս գործակից կիրառ-վող 60 թիվը: Ըստ այս տեսութիւն, ստացվում է, որ վաթսուական սխառութի հիմքում դրվել է կշռային և դրամային չափերում որպէս գործակից կիրառվող 60 թիվը: Այն հար-ցին, թէ ինչպէս առաջացավ չափերի մեջ 60 թիվը, արվում է հետեւյալ պատասխանը:

Պատմական այն շրջանում, երբ տեղի է ունենում սուամերացիների և ակկադացիների բախումը, նրանցից ամեն մեկն ունենում է իր կշռային չափումները—տաղանթ և մինա, իսկ թվարկութիւն սխառութի երկու ժողովուրդների մոտ էլ առանորդական էր: Առաւել-կան հարաբերութիւնները պահանջում են, որպէսզի կշռային չափերի մեջ առեղծվի որոշ համարժեցութիւն: Նկատի ունենալով, որ այդ ժամանակ $1 = 1$ կոտորակները գործա-ծութիւն մեջ էին, միայն $1 = 1$ հավասարեցվում է 10 չեկելի հետ: Մինայի $1/6$ մասը հան-դիսացել է պարզ կոտորակային մասը, իսկ 10 չեկելը պարզ, բայց մեծ միավորը: Այստե-ղից էլ ստացվում է 1 մինան=60-չեկելի: Այս երկու միավորները սկսում են գործածվել միաժամանակ: Իրաւական դրամները նույնպէս արտահայտվում են մինայի և չեկելի միջոցով, այնպէս, ինչպէս մենք գործ ենք ածում ուրբի և կոպեկ: Սկզբնական շրջանում այդ թվերը գործ են ածվում որպէս անվանական թվեր, հետագայում, երկար ժամանակ գործածելուց հետո, այնքան սովորական է դառնում 60 թիվը, որ մեծ թվերի անցնելու ժամանակ այդ թիվը դրվում է թվարկութիւն նոր մշակվող սխառութի հիմքում:

Չնայած առաջ քաշվող լուրջ հիմքերին, այնուամենայնիւ այս տեսակետը համոզիչ չէ և շատ շատերի համար թիւում է անընդունելի: Տյուրո Դանթենը առաջարկում է միան-գամայն հակառակ տեսակետ: Նա գտնում է, որ մետրոլոգիայում գործածվող 60 թիվը վերցվել է թվարկութիւն 60-ական սխառութից, որ գոյութիւն է ունեցել առաջ, Տյուրո Դանթենը ասում է, որ հին ժամանակ բաբելական սխառութեան ունեցել է իստը քնույթ՝ վաթ-սուական և առանորդական: Երկրորդ կարգի միավոր եղել է 10-ը, 3-րդ կարգի միավորը, 60-ը, 4-րդ կարգի միավոր՝ 600-ը, 5-րդ կարգի միավոր՝ 3600-ը և այլն: Ինչով բացատրել, որ մի անգամ վերցվում է 10, իսկ մյուս անգամ 6-ը, շատ տարօրինակ է: Տյուրո Դան-թենը 6 թիվը վերցնելը դարձյալ բացատրում է նրանով, որ այդ թիվը շատ հարմար է, ունի 2 և 3 բազմապատկիչներ: Այսպիսով, մենք նորից վերագտնում ենք այդ նույն հարցին, որը դրվում էր 1500 տարի առաջ:

մեկ ծանոթագրությամբ ասում է. «Սակայն պետք է նշեմ, որ Նոյգերա-
ուերի թեորիան չի պարզում այն հարցը, թե ինչով բացատրել մաքուր
տասնորդական սխտեմի առկայությունը առանձին նշաններով 100-ի,
1000-ի և այլնի համար՝ վաթսուական սխտեմի հետ միասին: Ինքը Նոյ-
գերաուերը («Դասախոսություններ», էջ 110, ուսու. թարգմանութ.) հիշա-
տակում է, որ մի դուռ մաթեմատիկական տեքստում (ասորական դարա-
շրջանի)՝ «մենք ունենք հաշվողական տեխնիկայի զարգացման վերջին
ստադիան և վաթսուական նշանակումների հետ մեկտեղ հանդիպում ենք
և նշանակումների տասնորդական տրանսկրիպցիայի, որինակ՝ 1,48-ը նշա-
նակված է 1-me 8 «մեկ հարյուրյակ և 8»: Սրան անհրաժեշտ էր ավելաց-
նել, որ ոչ-մաթեմատիկական տեքստերում տասնորդական արանսկրիպցիան
կիրառվում է և մեծ թվերի նկատմամբ (մինչև միլիոն), որի վրա ասորա-
գեաներն ուղադրություն են դարձրել մաթեմատիկական տեքստերի հայ-
տաբերումից շատ առաջ և որը նշել է Կանտորը իր «История математики»
աշխատության (հատ. I-ին, 1880 թ., էջ 70—71) առաջին հրատարակու-
թյան մեջ: «Տասնորդական տրանսկրիպցիայի առկայությունն ուղ զարաշրջա-
նում՝ չի նշում արդյոք այն հանգամանքը, որ նաև վաղ ժամանակներում
թվարկության տասնորդական սխտեմը, նման եղիպտականին, գոյություն
է ունեցել վաթսուականին դուգահեռաբար: Իսկ եթե առաջինը երևան է
ևկել միայն առերեսառնյալ դարաշրջանում, ապա ի՞նչ պարագաներում կա-
րող էր աիդի ունենալ այդ Այս հարցերը, որքան ինձ հայտնի է, զրականու-
թյան մեջ չեն դրվել: Այս նույն խնդրի մասին Նոյգերաուերը գրում է.
«Թվարկության այս սխտեմը ոչ-մաթեմատիկական տեքստերում կիրառվել
է առաջ, քան երկրորդ հաղարամյակի սկիզբը (այսպես, որինակ, դա կիրառ-
վել է խեթական տեքստերում, որոնք վերաբերում են 1800—1200 թվա-
կաններին և համապատասխան կերպով՝ ասուրական տեքստերում, սկսած
հին ասուրականից)»:²

Վերահիշյալ մեջբերումները ցույց են տալիս, որ Բարիլոնում, հատկա-
պես ասուրական շրջանում, միաժամանակ գոյություն է ունեցել թվարկու-
թյան երկու սխտեմ—վաթսուական և տասնորդական:

Մի կողմ թողնելով այդ երկու սխտեմների միաժամանակ գոյության
ու առաջացման պայմաններն ու պատճառները, մեզ հետաքրքրող հարցի
տեսակետից անհրաժեշտ է նշել, որ այստեղ թվարկության տասնորդական
սխտեմի հարցը սեպագիր նշաններով դրվում է այնպես, ինչպես գոյու-
թյուն է ունեցել եղիպտոսում հիերոգլիֆ նշանների միջոցով:³

¹ М. М. Виноградов, Арифметика и алгебра в древнем мире, Москва, 1941, стр. 70.

² О. Нейгебауер, Лекции по истории античных математических наук, том I, М.—Л. 1937, стр. 110.

³ Եղիպտոսում, ինչպես հայտնի է, թվերը գրելու համար գոյություն ունեին հետևյալ հիերոգլիֆ նշանները.

Ս(1), Ո(10), Ղ(100), Ք(1000), Ք(10000), Շ(100000), Շ(1000000), Շ(10000000).

և այլն: Օրինակ՝
321-ը գրվում է ինչ
այսպես.

ՇՇՇՈՈ:

Նույն սկզբունքով գրվում էին նաև մեծագույն թվերը: Հետազոտում հիերոգլիֆ նշանները փոխարինվել են
այլ նշաններով, որոնց միջոցով թվերը գրվել են արագ

և արտահայտվել կարճ, սակայն միշտ մեծացել է գումարման նույն սկզբունքը

Ուրարտուում գործածված քվարկային սխեմաներ՝ դա տասներգույն սխեման է, որը արմատապես տարբերվում է եզրիպտական տասներգույն սխեմանից և շատ մասն է մեր քվարկային տասներգույն պլանի պարզի-
ցիոն սխեմանի:

ԳՈՒՄԱՐՈՒՄ ԵՎ ՀԱՆՈՒՄ

Սարգուր 11-ի արձանագրության մեջ բերված երեք արշավանքների արդյունքների ամփոփագիրը վերջված գերիների մասին՝ հնարավորություն է տալիս որոշ կարծիք հայանելու. թե ուրարտացիներն ինչպիսի կարողու-
թյուն ունեին թվարանական գործողություններ կատարելու:

Սեպագիր արձանագրության մեջ ամփոփվող թվերը գրված են հետե-
վյալ կերպով.

12 735 < 1- 11 < 1- 1111 1- << 111 A₂₆
46 600 <<< < 1- 111 < 1- 111 1- A₂₆
12 000 << < 1- 11 < 1- A₁₇
~ 500 11 < 1- 11 1- A₂₇
23 335 << < 1- 111 < 1- 111 1- << 111 A₂₈
58 100 <<< < 1- 1111 < 1- 1 1- A₂₈

Այժմ բոլոր թվերը դասավորելով մի ընդհանուր աղյուսակում, կըս-
տանանք.

8 135	25 000	6 000	2 500	12 300	32 100
3 500	10 500	4 000	—	8 525	18 000
1 100	6 500	2 000	—	2 534	8 000

Ընդամենը՝	12 735	42 000	12 000	2 500	23 363	58 100
Ըստ ամսական	12 735	46 600	12 000	2 500	23 335	58 100
		+ 4 600			— 28	

Եթե 10500-ի փոխարեն վերցնենք 15100, գումարը ճիշտ կստացվի,
և, ինչպես գրում է Մադը, տեղը այդ հնարավորությունը տալիս է, իսկ
ինչ վերաբերում է 28-ին, ապա հավանական է, որ դա առաջացել է ան-
ուշադրության հետևանքով: Այս օրինակը ցույց է տալիս, որ ուրարտացիք
ազատ կերպով կարողացել են տասնյակ հազարների հասնող թվեր իրար
հետ գումարել: Այս օրինակը միաժամանակ մեզ բերում է այն եզրակացու-
թյան, որ թվաբանություն Ուրարտում գտնվելիս է եղել բավականին
բարձր աստիճանի վրա: Ուրարտացիք ունենալով թվարկության լավ մշակ-
ված տասնորդական սխեման, ազատ կերպով կատարել են թվաբանական
գործողություններ՝ ոչ միայն գումարում և հանում, այլև, հավանական է,
բազմապատկում և բաժանում:

Հին ՀԱՅԱՍՏԱՆԻ ԹՎԱԲԱՆՈՒԹՅԱՆ ԿԱՊԸ ՈՒՐԱՐՏԱԿԱՆ
ԹՎԱԲԱՆՈՒԹՅԱՆ ՀԵՏ

Ուրարտական հնարավոր լինի համեմատել հին Հայաստանում գործադրված թվաբանությունը ուրարտական թվաբանության հետ, համաոտականի պահպանված թվաբանության այն սխեմայի վրա, որը գործադրվում էր հին Հայաստանում, հին Հայաստանում գործադրվել է թվաբանության այբուբենական տասնորդական սխեմայով. հայկական այբուբենի «ա»-ից մինչև «թ» տառը հանդիսացել են միավորներ, «ժ»-ից մինչև «զ» տասնավորներ, «ճ»-ից մինչև «ջ» հարյուրավորներ, «ս»-ից մինչև «ք» հազարավորներ, ավելի պարզ երևում է հետևյալ աղյուսակից:

	1	2	3	4	5	6	7	8	9
Միավորներ	ա	բ	գ	դ	ե	զ	է	ը	թ
Տասնավորներ	ժ	ի	լ	խ	ծ	կ	հ	ձ	ղ
Հարյուրավորներ	ճ	մ	յ	ն	շ	ո	չ	պ	ջ
Հազարավորներ	ս	տ	վ	տ	ր	ց	ւ	փ	ք

Սովորական տառերը թվական տառերից տարբերելու համար՝ վերջիններիս վրա դրվում էր հորիզոնական գծիկ, կամ տառի սկզբից և վերջից դրվում էր կետ. օրինակ՝ մլդ կամ՝ մլդ. = 234, սխե = 2345 = .սխե. Որոշ ձեռագրերում գործ ենածվում հետևյալ նշանակումները. զո = 4000, փոխանակ գրելու անմիջապես ա, կամ. քթ = 3900, փոխանակ վր, Զերոյի համար նշան չկա և դրա անհրաժեշտությունն այն սխեմայում, որ պոզիցիոն չէ, չի պահանջում: Մեծ թվեր գրելու համար օգտագործել են այբուբենի տառերը, լրացուցիչ նշան մտցնելով: Այսպես, օրինակ՝ ա՛ = 10 000, մեկ բյուր, զ՛ = 30 000... ժ՛ = 100.000 և այսպես շարունակ, ք՛ = 9.10⁵:

Գումարման աղյուսակները հին Հայաստանում ունեցել են հետևյալ տեսքը.

ա	ա	բ	ժ	մ	ի	1+1=2	10+10=20
ա	բ	գ	ժ	ի	լ	1+2=3	10+20=30
ա	գ	դ	ժ	լ	խ	1+3=4	10+30=40
ա	դ	ե	ժ	խ	ծ	1+4=5	10+40=50
ա	ե	զ	ժ	ծ	կ	1+5=6	10+50=60
ա	զ	է	ժ	կ	հ	1+6=7	10+60=70
ա	է	ը	ժ	հ	ձ	1+7=8	10+70=80
ա	ը	թ	ժ	ձ	ղ	1+8=9	10+80=90
ա	թ	ժ	ժ	ղ	ճ	1+9=10	10+90=100

Հանման աղյուսակները հին Հայաստանում ունեցել են հետևյալ տեսքը.

ա	ժ	թ	գ	ժ	թ	10—1=9	12—3=9
ա	թ	ը	գ	ժ	ը	9—1=8	11—3=8
ա	ը	է	գ	ժ	է	8—1=7	10—3=7
ա	է	զ	գ	թ	զ	7—1=6	9—3=6
ա	զ	հ	գ	ը	հ	6—1=5	8—3=5
ա	հ	դ	գ	է	դ	5—1=4	7—3=4
ա	դ	զ	գ	զ	զ	4—1=3	6—3=3
ա	զ	բ	գ	հ	բ	3—1=2	5—3=2
ա	բ	ա	գ	դ	ա	2—1=1	4—3=1

Այս համառոտ ծանոթություններից հետո անցնենք համեմատության:

1. Եթե մի կողմ թողնենք այն, որ ուրարտացիք թվերը գրում էին սեպագիր նշաններով, իսկ հայերը՝ այբուբենի տառերով, ապա կարելի է ասել, որ թվերի գումարումը և հանումը կատարվում էր նույն եղանակով: Հանման գործողության ժամանակ հին Հայաստանում հանելին գրում էին նվազելուց առաջ, այնպես, ինչպես ուրարտացիք և բաբելացիք:

2. Հայերը 10 000-ի համար ունեին հատուկ բառ՝ «բյուր», իսկ ուրարտացիք՝ *alibi*:

3. Ուրարտացիք 4 000-ը գրում էին այսպես՝ $\text{YIV} \langle \text{Y} \rangle$, ինչպես տեսանք, հին Հայաստանում, հիմնական նշանակումների հետ միասին, այս ձևը նույնպես գործածվել է: Հայերը 4 000-ը գրում էին այսպես՝ $\text{դա} = 4\ 000$ -ի:

4. Ուրարտացիք 3 900-ը գրում էին այսպես՝ $\text{YIV} \langle \text{Y} \rangle \text{X} \text{X} \text{X}$, հայերը գրում էին $\text{դաթ} = 3\ 900$: Համեմատությունը ցույց է տալիս, որ գրելու եղանակը պահպանվում է:

Համեմատությունը պարսի էր շարունակել, սակայն ուրարտական դուռ մաթևմատիկական տեքստերի բացակայությունը մեղ գրկում է այդ հնարավորությունից:

ԵԶՐԱԿԱՑՈՒԹՅՈՒՆ

1. Եռադարացիական-ոսղմական, կրոնական շենքերի, բերդերի, ջրանցքների կառուցումները, առևտրի զարգացումը, չափ ու կշիռների գործադրությունը, շրջապատի ուսումնասիրությունը զարկ տվին ուրարտացիների գիտելիքներին՝ հզորիտ գիտությունների պծով, հատկապես թվաբանությունը XI—VII դարերում, նախաուրարտական շրջանի համեմատությամբ, հասավ զարգացման բարձր աստիճանի:

2. Ուրարտացիք բարձր գնահատելով բաբելա-ասուրական կուլտուրան, վերցնում են նրանց սեպագիր դրերը, ստեղծում իրենց գիրն ու պրականությունը, օգտագործելով սեպագիր թվանշանները, գործածության մեջ են դնում բավականին մեծ թվեր:

3. Ուրարտական թագավորական արձանագրություններում գործածված թվականների ուսումնասիրությունն ակնհայտ կերպով ցույց է տալիս, որ ուրարտական պետության մեջ գործադրվել է թվարկության տասնոր-

¹ Մեր նշանակումներով նախ գրված է նվազելին, ապա հանելին, ինչպես հին Հայաստանում գրվում էր նախ հանելին, ապա նվազելին:

դական սխեմի, որպիսին արմատապես տարրերվում է եղիպտական թվարկության տասնորդական սխեմից և շատ մոտ է մեր թվարկության այժմյան պոզիցիոն տասնորդական սխեմին:

4. Հին Հայաստանում զործադրված թվարանության համեմատությունը ուրարտական թվարանության հետ՝ ցույց է տալիս նրանց անմիջական կապը: Ուրարտական թվարանության զգալի հետքեր նկատվում են դեռ չին Հայաստանում, Անանիա Շիրակացու ապրած ժամանակաշրջանում և հետո զործադրված թվարանության մեջ:

Г. Б. Петросян

Арифметика в Урарту по урартским клинописям

Р Е З Ю М Е

1. Странительство гражданских, военных, церковных сооружений, крепостей, каналов, развитие торговли, применение мер и весов, изучение окружающей среды развили познания урартийцев по точным наукам; в частности арифметика достигла в IX—VII веках до нашей эры высокого развития в сравнении с доурартским периодом.

2. Урартийцы, высоко оценивая ассиро-вавилонскую культуру, перенимают у них клинообразные письма, создают свою письменность и литературу, использованием клинообразных цифр вводят в употребление и делают обиходными крупные числа.

3. Изучение числительных, применяемых в урартских царских надписях, с несомненностью показывает, что в урартском государстве была принята десятичная система счисления, коренным образом отличавшаяся от египетской десятичной системы счисления и очень близкая к выпешней пашей позиционной десятичной системе.

4. Сравнение арифметики в древней Армении с урартской указывает на их непосредственную связь. Чувствительные следы урартской арифметики заметны в древней Армении еще в эпоху, когда жил и работал Аваня Ширакци, и в арифметике, употреблявшейся позже.

G. B. Petrosian

The Arithmetics in Urartu according to Urartian Cuneiform inscriptions

S u m m a r y

The construction of the military, civil and church buildings, of the fortresses and canals, the development of the trade, the application of weights and scales (metrical), the study of surrounding life—developed the knowledge of Urartu people on the line of the exact sciences, especially to the science of Arithmetics which during the 9—7 centuries before our era attained a high degree of development in comparison with the ancient ages of pre—Urartu period.

2. Appreciating highly the culture of Assyrians and Babilons, the people of Urartu take their cuneiform alphabet and create their own letters and literature; they used cuneiform numbers, which they introduce into practice and make for every day use of the high numbers.

3. The study of the numerals applied in the inscriptions of the Urartian kingdom show obviously, that in the period of Urartian State there was the decimal numeration system exercised which radically differed from the Egyptian decimal system of numeration (scale of notation) and had the nearer relation to the present days position of decimal system.

4. The comparison of the arithmetics of the Urartians with that of old Armenia shows their immediate connection with each other. The very traces of Urartian arithmetics are still noticeable in old Armenia during the period of Anania Shirakatsy and in arithmetics used latter.